



Uunga:

**Inatsisartunut ilaasortaq
Kristian Jeremiassen
Inuit Ataqtigiit**

24-03-2023
Sags nr.
Akt. id. 22776538

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

**Inatsisartut suleriaasianni imm. §37 naapertorlugu Naalakkersuisumut
apeqquteqaammut akissut. Apeqqut nr. 2023/065**

Asasara Inatsisartunut ilaasortaq Kristian Jeremiassen.

Inatsisartut suleriaasianni immikkoortoq §37 naapertorlugu Naalakkersuisunut apeqquteqaateqarputit.
Apeqquteqaatit 4-nik apeqqutitaqarpoq imaattunik

- 1. Aasianni ukiuunerani suliffissaaleqisut amerlisarput novemberimiik martsimut, piffissami tassani suliffissaaleqisut ikilitinniarlugit Naalakkersuisut kommune suleqatigalugu suliniutinik aallartitsilersaarpap?**
- 2. Periarfissaqarpa avataaniit aalisakkanik tikiussilluni suliffissuarmut tulaassititsinissaq?**
- 3. Aalisakkat Danmarkimut annissuunneqaannartut annikillillugit, Aasiannilu piariingaanerusunik tunisassiulernissaq aallartinnissaanut Naalakkersuisut suliniuteqassallutik aallartitsiniarpap?**
- 4. Savalimmiuni 2022-imi 11,7 milliard-inik aalisakkanik avammut tunisassiornermi isertinneqarput, nunatsinni piariingaanerusunik tunisassiornissamut suut pilersaarutaappap?**
 - a. Aappiussappap, qaqugu aallartittoqassava?**
 - b. Naamiussappap, sooruna pilersaarusiortoqanngitsaq?**

Apeqqutip 1-ip akineqarnissaa uannut suliakkiutigineqarpoq, apeqqullu imaappoq:

- 1. Aasianni ukiuunerani suliffissaaleqisut amerlisarput novemberimiit martsimut, piffissami tassani suliffissaaleqisut ikilitinniarlugit Naalakkersuisut kommune suleqatigalugu suliniutinik aallartitsilersaarpap?**

Ukiuunerani suliffissaaleqisut amerlisarneri ilisimaneqarpoq. Taanna nuna tamakkerlugu ajornartorsiutaavoq. Ajornartorsiut anikillisaaviginiarlugu ilaatigut Inuusuttut 25-it ataallugit ukiullit suliffeqaratillu ilinniakkamik ingerlatsinngitsut alloriarfissaasa periarfissaannik annertusaanissaq siunertaavoq.

Suliniutit ilagaat inuusuttut inuttut piginnaasatigullu ineriartorfissaannik, atuarfinnik nioqutissiorfittut ingerlaasilinnik pilersitsisoqarnissaa.

Tamatumani inuusuttut timertik assatillu atorlugit sulinermikkut ilikkarnerusartut, periarfissaasa pitsaanerulersinneqarnissaat siunertaavoq.



Atuarfiit nioqqutissiorfittut ingerlaasillit pilersinneqarnissaat pillugu ataatsimiitsitaliaq 14-nik inuttaqartoq sulivoq. Pilersaarut malillugu ataatsimiitsitaliap Naalakkersuisunut innersuussutitut allagaqaasiaat tunniunneqassaaq aasaru julimi 2023.

Ataatsimiitsitaliami kommunit tamarmik sinniisuutitaqarput, taamaasilluni aamma Kommune Qeqertalik sinniisuutitaqarluni suleqataavoq. Ataatsimiitsitaliallu suliassaasa ilagaat Kalaallit Nunaanni najugaqarfinni sumi atuarfinnik nioqqutissiorfittut ingerlaasilinnik pilersitsisoqarnissaannik innersuussinissaq.

2. Periarfissaqarpa avataaniit aalisakkanik tikiussilluni suliffissuarmut tulaassititsinissaq?

Aalisarnermut Piniarnermullu Naalakkersuisoqarfik imatut akivoq: Taamaasiortoqartareerpoq. Kitaani avataasiarluni qalerallitassiarnermi pisat 25%-iisa nunamut tulaanneqartarnissaat piunasaqaataavoq. Taamaattumik aalisariutaatileqatigiit pisamik 25%-ii nunatsinni nunami suliffissuarnut tulaattartussaavaat. Aasiaat avataasiarluni qalerallit 2022-mi tulaasuiffiunerpaat tulleraa (1.239 tons) 2021-milu tulaasuiffiunerpaassimalluni (1.289 tons). Ingerlatseqatigiiffiit avataasiortartut arlallit Aasiannut tulaassuisarput. Tulaanneqartartut siammartariaqarneri Naalakkersuisunit arajutsisimaneqanngilaq ilisimatitsissutigissallugulu aqutsiveqarfinit Kitaata Avannaani Kujataatalu kitaani qalerallit avasiarluni pisarineqareerlutik tulaanneqartartut annertoqatigiingajammata.

3. Aalisakkat Danmarkimut annissuunneqaannartut annikillillugit, Aasiannilu piariingannerusunik tunisassiulernissaq aallartinnissaanut Naalakkersuisut suliniuteqassallutik aallartitsiniarpat?

Aalisarnermut Piniarnermullu Naalakkersuisoqarfik imatut akivoq: Polar Seafood Greenland A/S Aasianni suliffissuarmik piginnittuusoq nalunaarpoq Aasianni aalisakkat assigiinngitsut tunisassiarineqartartut tassunga ilaallutik qalerallit, kinguppaat saattuallu. Suliffissuarmi qalerallit nerpiinnangortillugit tunisassiarineqartarput kinguppaallu sinerissap qanittuani aalisartunit pisarineqartut ooriarlugit qalipaajarneqartarlutik saattuallu immikkoortiterneqartarlutik. Tamatuma saniatigut nipisat suaanik tulaassuisoqartarpoq aamma saarullit qalerallilu najugaqartunit pisarineqartartut qeritinneqartarlutik. Taamaattumik Aasianni suliffissuarmi tunisassiornikkut nalitusaaneq ingerlanneqareerpoq.

4. Savalimmiuni 2022-mi 11,7 milliardinik aalisakkanik avammut tunisassiornermi isertinneqarput. Nunatsinni piariingannerusunik tunisassiornissamut suut pilersaarutaappat?

Aappiussappat, qaqugu aallartittoqassava?

Naamiussappat, sooruna pilersaarusiortoqanngitsaq?

Aalisarnermut Piniarnermullu Naalakkersuisoqarfik imatut akivoq: Aalisagaatitsinnik ineriigaanerusunik tunisassiornermissami atugassarititat pitsanngorsarniarlugit Naalakkersuisut suliniutinik arlalinnik aallartitsereerput. Nalunaarutissaq nutaaq aqutugalugu aalisakkanik qajuusaasianik uuliamillu avammut nioqqutissiorsinnaanissaq qulakkeerneqassaaq. Nerukkaatissat pillugit inatsisip kunngip peqqussutaatigut atulersinneqartussap Inatsisartuni 2022-mi ukiakkut ataatsimiinneranni akuerineqartup malitsigisaanik nalunaarut suliarineqarpoq. Aalisakkanik tunisassiornissanut iliuusissatut pilersaarut suliarineqaleruttarpoq, Kalaallit Nunaanni tunisassiornerulernissaq ikorfartorsinnaajumallugu suliniutissat naleqqussagassallu isiginiarneqassallutik. Naggataatigut minnerunngitsumillu oqaatigineqassaaq suliffissaqartitsiniarneq ilinniartitaanerlu pillugit suleqatigiissitami aalisarnermut tunngatillugu illinnialersartut amerlisarniarlugit aalisarnermillu inuussutissarsiummi amerlanerusut sulinnarsinnaatikkumallugit siunissaq qaninnerusoq ungasinnerusorlu isigalugit aqqiissutissat isiginiarneqarmata. Suleqatigiissitap upernaap ingerlanerani




kaammattuutiminik Naalakkersuisunut saqqummiinissaa naatsorsuutigineqarpoq taamaalilluni
kaammattuutigineqartut 2024-mut aningaasanut inatsisissatut siunnersuummut ilanngunneqarsinnaaqqullugit.

4b-mut) Siuliani akissutigineqartoq takuuk.

4b-mut) Siuliani akissutigineqartoq takuuk.

Inussiarnersumik Inuulluaqquillunga



Jess Svane